

欽定剿平三省邪匪方略

欽定剿平三省邪匪方畧正編卷二十一

丙辰年

十一月初二日癸卯秦承恩柯藩奏言陝省安康

縣沿河地方於十月初六七等日川匪潛匿入

境臣柯藩聞信趕至公同商酌以西安平利紫

陽一帶與川省路路可通恐續來匪徒另由別

路潛竄隨密飭沿邊各卡加意防範茲漢興道

文需帶領兵役團聚鄉勇在平利縣境內之鎮

坪一帶巡查探聞連界之混人坪有川省匪徒
多人潛聚山頂當卽躡明路徑派令州判薛困
勉巡檢曹元慶帶領兵勇於十月十五日夜由
花梨樹小路暗抄山後文需率同韓城縣知縣
莊振帶領兵勇於十六日趕至山前分路直上
賊匪憑險持矛拋石抗拒署把總王卓外委海
蒲鄭興國首先搶上山梁連殺數賊文需莊振

分督兵勇鎗箭齊發殲斃多人薛因勉曹元慶
外委潘步雲黨元李天祥等帶領兵勇從山後
趕上來擊賊匪腹背受敵登時潰亂殺死一百
二十餘人生擒謝勝陽等並脅從男婦四十六
名口餘匪逃入老林現在設法搜捕不難淨盡
臣等當將糾集鄉勇出力之職員及文武生監
等分別獎勵再川省達州所屬之東鄉太平等

處亦有匪徒聚集兵備空虛且與陝省唇齒相
依亟須妥爲彈壓安撫人心安康平利邊境竄

來川匪現督文武員弁趕緊分路搜剿肅清

臣

秦承恩卽帶兵五百名先赴太平鎮守居中控

制使達州之賊不得與太平匪徒聯絡且可爲

英善聲援

臣

柯藩亦卽酌帶弁兵由沿河取道

馳往太平會剿仍一面飛咨督臣宜綿將已經

調到西安兵丁酌量派撥前來以資接應

同日英善奏言

臣

於初九日接據新寧縣趙華

稟報賊匪因我兵攻克亭子鋪欲圖竄逸攻撲

新寧玉皇閣隘口等語查新寧毗連梁山萬縣

直達夔門玉皇閣隘口僅止鄉勇防守萬一該

匪等見

臣

進兵追剿乘虛闖入則新寧縣治卽

不可保梁萬等處亦必遭蹂躪隨飛飭派赴東

鄉之川東道李憲宜副將富明阿卽將堵禦豐
城場一帶賊匪事宜交遊擊愛隆阿會同都司
羅定國悉心經理該道協酌帶兵勇迅速轉回
玉皇閣防堵並相度機宜夾攻賊窟一面密飭
將弁躡看進攻風洞口路徑該處山形險要有
一夫當關之勢賊匪把守甚嚴難以力取查得
由甘草埡分路走雙廟子獅子山大埡口亦可

直抵風洞口山梁但係樵採小徑必須攀援而
上臣思我兵現由正路進攻匪衆定併力抵禦

至大埡口小路縱或有人把守爲數諒必不多

若另有一枝官兵由彼直壓而下更易得手十

一日三更密派叅將佟貴千總馬大綏挑選兵

勇三百名由雙廟子大埡口樵徑繞道前進並

派遊擊范林把總何世雄帶領兵勇三百名隨

後策應

臣

督率參將盧廷璋等大隊仍由大路

進攻使其不致生疑約定十二日黎明齊抵風

洞口會合

臣

於是日卯刻督兵直至風洞山腳

用礮轟擊該匪等恃其地勢抵死抗拒相持兩

時之久我兵忽見賊隊紛紛擾動知是佟貴等

所帶兵勇已到風洞山梁我兵益皆踴躍不避

鎗石直撲向上佟貴等復從上壓下該匪等俱

向沙蛇溝竄匿佟貴奮勇窮追捉獲手持令旗
騎馬賊首一名忽有賊匪多人翻身撲回搶奪
該叅將卽將賊首用刀砍斃該匪百有餘人圍
繞不散武生潘啟先達州差役王國學向前撲
救各殺賊數名因賊匪人多衆寡不敵佟貴及
潘啟先王國學遂俱被害適臣督同盧廷璋等
續到我兵人人切齒直撲向前殺賊無數賊匪

料不能禦逃向麻柳場巢穴時已薄暮飭令兵

勇卽在沙坨溝暫歇密飭李憲宜富明阿等乘

該匪失勢之時於次日五鼓兩面夾攻十三日

卯刻臣督率盧廷璋知縣劉清等帶領兵勇分

路直撲麻柳場賊巢匪衆悉力抗拒旋聞新寧

赴麻柳場一路鎗礮聲音探知李憲宜富明阿

率同大竹縣知縣劉佳琦等前來夾擊該匪等

首尾不能兼顧紛紛潰散我兵分投戰殺殲戮
醜類無算餘匪俱往袁家石壩藏匿我兵立將麻
柳場克復是日打仗把總何世雄新寧縣武舉
張廷襄俱中鎗陣亡我兵生擒賊匪二百二十
三名內田多吉黃文義李寬王章曹仁貴五名
俱係賊目其餘亦係從賊抗拒之犯俱卽一一
寸磔梟示查袁家石壘一帶樹木叢雜山徑陡

窄該匪處處可以埋伏我兵恐被掩襲且路通
七里峽翻山卽係東鄉如追逼過緊勢必直撲
東鄉縣城前派遊擊愛隆阿等所帶兵勇俱在
南壩場一帶堵禦豐城場賊匪七里峽防兵無
多恐難擋賊去路現在飛催續調駐防兵丁星
速前來以資進剿至太平縣屬青石溪等處賊
勢亦頗鴻張臣飛咨奏承恩卽由興安派兵速

來剿捕均奏入

上命軍機大臣傳諭英善秦承恩柯藩曰英善督率
將弁分投剿賊雖殺賊無多而麻柳塲業經攻克
所辦尙合機宜其分路帶兵出力之道將等俱著
咨部議敘叅將佟貴等因剿賊陣亡殊堪憫恤佟
貴及把總何世雄著咨部加一等議卹武舉張廷
襄著照千總例武生潘啟先著照把總例咨部議

卹差役王國學著優加賞卹交該家屬收領此時
勒禮善所帶滿兵自己到彼著英善會同勒禮善
務乘得勝之勢上緊進攻勿使竄往他處前據額
勒登保等奏派令總兵袁國璜酌帶兵四五百名
前赴達州一帶協剿福寧等奏派令署都司石陣
圖等帶兵前往俱可陸續到彼著英善酌量情形
或令袁國璜等分赴東鄉縣之豐城場太平縣之

青石溪等處趕緊剿捕以期迅速集事又據秦承
恩奏已帶兵五百名赴太平駐守而柯藩亦取道
前往並將調到西安兵丁知會宜綿速行派往協
剿著傳諭秦承恩柯藩務卽會同英善勒禮善將
賊匪四路兜擒一舉撲滅以靖地方

初六日丁未惠齡奏言臣自奪獲馬王廟賊卡後
連日霧雨迷漫山徑澗滑實難進攻賊匪高踞

山頂我兵從下仰攻旣難得手而賊匪反得以
逸待勞之勢遂將官兵鄉勇分爲二班日夜輪
替故作兩面進攻賊匪左右支持頗形勞頓十
月二十五日雨勢稍止正在設計進剿適據運
送軍火之司獄孫士清典史陳銳於半山林內
搜拏張添富鄧振富鄧振桂段全欽張士祥五
人據供誤習邪教被林之華擒脅從逆今隨單

土潮來到涼山實在悔罪畏懼乘霧逃至半山
被官兵搜出帶來求免一死願隨官兵出力等
語隨向訊問上山路徑據供二天門係前山兩
路總口已經賊匪刨斷安設木石鐵礮日夜防
守後山水泉一路因官兵奪占安卡隨將道路
堆放大石派人把守只有二天門卡上陡岩之
下松林一處直接山上樹林可伏數十人但陡

壁懸崖不能攀援而上

臣

思張添富等旣稱悔

罪投出殺之難服其心留之恐生他故莫若仍

遣回巢使其作爲內應並與繩數十條令其乘

夜上山潛伏樹林內檢擇山上大樹拴住將繩

頭垂下山腰並告以如有官兵上山卽在半內

放火張添富等欣然願往

臣

密遣妥人於山腰

查看約至夜半果見繩頭下垂隨密派干總鍾

慶官把總程上德率領健捷兵勇數十人各帶
短刃火彈手持繩頭攀援而上預伏於樹林之
內俟官兵攻撲二天門賊卡時從上殺來俾賊
匪猝不及防可期得手一面派令闢騰督同副
將張持等帶領兵勇由九鼎埡進攻先福督同
前鋒校倭什彈等由馬王廟進攻又派侯補都
司林朝輔等由山後水泉處覓路進攻並截賊

人逃竄之路

臣率領員弁帶兵前後接應時届

丑未兩路官兵擲枚而上賊匪經數晝夜紛擾

疲憊已極迨官兵直至卡前始行知覺當卽鳴

鑼叫喊齊起抵禦拋擲火彈石塊官兵用牌遮

擋隨卽鎗箭並施相持之際鍾慶官程上德已

率領林內伏兵等從後殺來又經內應之降匪

張添富等從中放火賊衆大亂官兵乘勢直撲

候補都司劉告朝于總劉春帶兵由西路跳過
濠溝直入卡內同知鄭成基知州阿霖知縣李
維本署按察使經歷吳鵬等帶領鄉勇由東路
拔開鹿角而入兩面夾攻短刃相接殺死賊匪
約一百餘人餘賊紛紛逃奔上山均被鍾慶官
程上德截殺淨盡當將二天門賊卡奪獲其時
賊匪在廟門內窺見官兵勢大不敢出救隨閉

廟門由牆內向外拋擲火彈石塊抵死抗守

臣

督令將弁兵勇直上攻撲二天門以上路徑愈

狹石磴嶙峋我兵奮不顧身蟻附而上一至廟

前即用柴草堆集點燃並派兵繞至廟旁隔牆

向內拋擲火彈旋聞賊匪慌亂之聲

臣

恐其勢

處急迫潛由後山奔逃隨派關騰飛至山後督

率官兵射放火箭燒燃賊匪草棚行營外委楊

秀劉德明從廟東爬上牆把總姚文富朱升
鑑由西邊爬上廂房施放火箭廟內房屋同時
火起烈焰衝空署縣丞張世維廢員管三錫等
引火打開廟門賊衆紛紛向後門逃竄臣卽親
率官兵衝烟突火趕至廟後近者刀砍生擒遠
者鎗擊箭射殺斃及滾巖落澗者不計其數尙
有一百餘人直衝下山經關騰等截住林朝輔

生擒逆首覃士潮張曰先二名李成鄒興相胡
報國李惟清等生擒男婦七十八名口當卽分

別寸磔斬梟起獲糧食分賞鄉勇臣現酌留官

兵分投搜捕竄匿餘匪一面令關勝等率領官

兵分起前赴長陽臣一面將善後事宜趕緊料

理亦卽馳往該處會同福寧觀成成德等商同

進剿逆匪林之華等以期迅速嚴事奏入

上命軍機大臣傳諭惠齡曰涼山賊匪雖屬無多但該處山勢險峻賊人又將上山之路刨斷並安設木石抵死抗拒經惠齡訊明投出之張添富等五名放回令作內應設計進攻官兵等跳越溝濠分路直前將賊首覃士潮等生擒此皆由惠齡調度有方所辦實屬可嘉惠齡著賞給金盒一個大小荷包惠齡之母年老在京居住本日報到後特傳

伊弟長齡令其將惠齡此次剿淨賊匪打仗得勝
情形及朕加恩之處告知伊母俾高年聞之益深
喜慰至惠齡之母精神增健並著諭知惠齡令其
專心辦賊不必分念以示體恤優眷之意關騰帶
兵由九鼎壙進攻亦屬可嘉著署理宜昌鎮總兵
印務並賞大小荷包打仗兵丁著賞給一月錢糧
以示鼓勵投出之張添富等五名爲官兵內應用

繩引上並能放火困賊一不但可免其死罪並當酌
賞金項如五人內有爲首者著惠齡查明賞給六
品頂戴俾知感激如此格外施恩使黃柏山賊衆
見之心生艷羨必有紛紛投出者亦解散賊黨之
一法於剿捕不無有益

初九日庚戌宜綿奏言臣旬日以來屢接撫臣秦

承恩來札此次川省蠢動情形與前此湖北相

三
卷三
仿雖經英善統兵攻撲奈鄉勇多而官兵少是

以未能藏事且各該處邪匪總因川省兵單聞

風四起若不亟爲會剿必致日聚月增蔓延肆

逞是川省此時多一兵卽收一兵之益查臣所

調各標營兵共四千二百五十名除添撥防守

商州各屬外又據撫臣札稱興安須再留兵五

百名以資調撥許臣入川之兵尙須酌留後路

應援及防護運送軍火糧石外進剿之兵實不過二千數百名以之攻撲各路之賊僅敷應用

賊匪甫經起事不過烏合之衆似尙易於撲滅

臣
仰賴

天威策勵將士迅速前行以期一鼓蕩平至所屬番

回俱極安靜但邊陲重地尤當嚴密防範臣現

將調到官兵率領迅赴達州一經完竣卽酌留

臣所帶兵一千名餘者先行撤歸甘省各標營以資彈壓

同日秦承恩籌商漢中府屬之西鄉興安府屬之平

臣柯藩行至漢中與

利紫陽安康等四縣界連川省均係深山密林

小徑叢雜最易藏奸尤宜嚴密防範曾於途中接據守卡員弁稟報有竄來賊匪在界嶺黃柏

棚劄營因兵力稍單尙未進剿臣等得信卽帶
領官兵分路星馳前往適於十月二十二日行
抵安康縣屬之湘子坪恭奉

六諭臣

柯藩自應欽遵星赴川省但陝省界嶺之黃

柏棚現有潛入賊匪千餘人勾結滋擾誠恐各

處民心驚惶臣

柯藩趕緊行走於二十五日已

抵漳河口一面知會臣

秦承恩於西鄉紫陽平

利各縣所屬地方嚴加堵禦

臣

柯藩仍一面差

派幹練兵勇衙役分爲兩路踏探黃柏棚賊匪

情形據稱賊匪現在界嶺劄營三座距漳河八

十里山高林密路彌崎嶇負險抗拒實屬可惡

臣隨卽登山相度情形或繞道界嶺山後直上

撲剿抑或迎面進攻現在分派兵勇卽於十月

二十六日起程設法急行進剿均奏入

上命軍機大臣傳諭宜綿秦承恩柯藩曰此次達州
教匪糾衆滋擾因川省兵力無多尙未撲滅此等
邪匪一日未除卽地方一日未能安戢亟應集兵
會剿庶免日久蔓延現經宜綿帶兵前往協剿自
爲得力又川省邪匪竄入陝界尤應上緊搜捕秦
承恩柯藩自應在西鄉紫陽一帶先將竄匪迅速
剿除現據宜綿奏於興安留兵五百名聽候調撥

如兵力已足敷剿辦固屬甚善設尚須添兵接濟
陝甘兵額爲數較多著該督等酌量情形或卽於
附近營卡再爲添調總期將竄入陝境賊匪速行
剿淨以便宜綿柯藩速赴達州會剿

初十日辛亥英善奏言臣自攻克麻柳場賊巢後

匪衆俱竄至袁家石壩汪家山東林河黃家場
一帶到處屯聚互相救應該處附近之太平寨

地方四面俱峭壁懸崖祇有石磴可通上面平
坦能容數萬人若被賊匪佔據則攻剿頗難爲
力先經派令游擊范琳帶領兵勇設卡防守十
月二十日果有賊匪千餘人直撲太平寨卡經
該遊擊率同武舉李遇春等帶領兵勇向前抵
禦鎗箭齊發斃賊一百餘人該匪等因太平寨
不能攻得竟敢分路直撲東鄉據該縣請兵援

應適署督臣福寧派來之候補游擊清福已到

臣卽於營盤內撥出鎗手兵丁八十名並挑選

鄉勇六百名卽令清福同游擊尙維岳分路帶

領星速前往協同該縣知縣張寧陽於各隘口

分投嚴防以遏竄逸臣營征兵本屬無幾賊衆

雖係烏合而醜類衆多刻下竄在冉家壩天星

橋一帶恃險抗拒山箐叢雜必須設法防堵方

可悉力追剿而東鄉縣之豐城場並太平縣之
邪匪勢亦鴟張卽勒禮善所帶駐防兵丁到齊
亦恐不敷分撥仰蒙

皇上洞燭幾先派令撫臣秦承恩卽由興安前來會
剿復

命署督臣福寧將軍觀成酌量情形帶兵回川督辦
查太平賊匪俱竄併小壘山鴻子山黃泥灣等

處屯聚

臣

迅卽知會秦承恩速由興安徑至太

平先將該處一帶邪匪廓清並飭川北道李鋐

馳往率同該縣鍾蟠雲料理一切糧運事宜至

觀成現同福寧進剿滋邱賊匪亦尙無回川信

息臣擬俟駐防兵丁趕到會同勒禮善悉心籌

酌設法剿辦斷不敢觀望稽延奏入

上命軍機大臣傳諭宜綿英善秦承恩柯藩曰閻英

善所奏圖內賊匪在袁家石壩等處及東鄉太平
之冉家壩鴿子山一帶屯聚經英善分派兵勇四
面圍堵卡座既多兵力未免稍形單弱此時勒禮
善所帶滿兵自己到齊昨又有旨令宜綿等帶兵
分赴達州太平等處協剿著傳諭該督等將陝境
邊界逸入賊匪趕緊剿淨迅赴川省會同英善等
四面兜剿將賊匪悉數撲滅至滋邱之賊竄入黃

柏山藏匿尙須跟蹤追剿此時福寧觀成正在帶
兵搜捕而川省賊匪無多尙易剿辦且該處帶兵
大員已不乏人福寧觀成俟辦竣黃柏山賊匪酌
量情形移師協剿

十一日壬子宜綿奏言臣在漢中察看情形該處
雖接壤川省地方甚爲寧謐惟差探川省達州
之麻柳場東鄉之豐城場太平之青石溪各該

處匪徒雖經兵勇屢有斬獲但或據險負嵎往來奔竄而新寧縣復有邪匪起事計勒禮善所帶滿兵雖已到齊猶恐賊多兵少未能尅日蕩平而袁國璜遠在湖南亦恐不能卽時赴川陝省興安所屬之安康平利紫陽等縣均有川匪竄入滋擾秦承恩柯藩先後馳抵該處堵剿地方緊要亦未可輕易出境臣必須帶兵迅速前

往與英善等互相犄角以期一鼓殲擒現飭已
到之督標兵五百名河州兵五百名西寧兵五
百名先赴興安交提臣統領將竄入匪徒剿盡
後卽由紫陽縣進發以斷賊匪竄入陝境之路
約計三兩日內涼州各營兵即可到齊臣分撥
一千名飭肅州鎮臣索費英阿帶領由西鄉縣
取道先赴達州會剿俟甘肅提標兵一千名一

到臣卽親身統領亦由西鄉縣趕緊進發惟聞

各該處山徑險窄誠恐賊匪伏於要隘阻遏我

兵臣密飭各將弁選派精細健步兵丁偵探並

預爲知會英善以便夾擊又賊匪多有脅從之

衆其偶被誘惑尙知悛改者亦必不可少臣刊告

示遍行張挂諭以及早投出必當奏請

加恩廣爲開導以期解散賊黨再查商州密邇楚豫

現值京兵會剿恐匪徒潰散四出竄入州境查
該州城營及臣夏間節次調赴該處守卡之兵

統計有一千餘名尙數守禦已飛飭陝西按察
使姚學瑛馳赴商州將一切堵禦事務妥爲經
理可無貽悞奏入

上命軍機大臣傳諭宜綿福寧惠齡英善曰川省達
州等處滋擾賊匪雖經兵勇屢有斬獲但該處兵

力恐尚不敷宜綿現帶甘涼官兵迅往達州與英
善等互相犄角以期一鼓集事所辦甚是佇盼捷
音惠齡此時自己早抵黃柏山與福寧觀成等會
商剿辦務將該處賊匪設法兜圍搜捕淨盡毋得
再有延緩

同日惠齡奏言查灌灣腦涼山二處賊匪先後
滋事經臣等次第剿除並將賊巢悉行焚毀所

有枝江宜都二縣一律廓清惟官兵旣撤之後
一切地方事宜必須酌量現在情形妥協經理

以期永無後患

臣悉心籌畫謹列欵開單恭呈

御覽一灌腦山應移駐武弁改設塘汎一聶家河爲

宜都長陽二縣要衝請暫留鄉勇以資防守一

枝江宜都二縣城中請各留兵彈壓一鄉勇紳士等器械應查明存貯銷燬一逃出被擄良民

應飭屬委爲安撫一邪匪所遺田地房產等項
應查明變價充公一枝江宜都二縣民人如賊
目張宗文之兄張發瑤於被逼入夥後暗約伊
親家李國治及被擄良民欲爲內應被張正謨
知覺將張發瑤全家並李國治及所約之人盡
行殺害祇有張發瑤一女經同擄婦女暗藏得
以不死現飭縣撫養擇配又宜都縣文童曹開

卿一聞賊匪起事卽赴縣稟報家屬被擄其母
曹何氏罵賊被害現飭地方官詳請督撫具題
旌表此外有似此罵賊不屈被害捐軀者應一體查
辦至軍興以來所有陣亡受傷各鄉勇臣已分
別捐資優加卹賞奏入得

旨交軍機大臣會同該部速議具奏旋經大學士公
阿桂等會議均應如所奏辦理奏入

上從之

十四日

乙卯

福寧觀成成德文圖奏言查首逆林

之華覃加耀現在黃柏山四方臺高嶺頭獅子

巖長嶺各要隘設卡阻遏官兵十月二十三四

日以來霧雨迷漫至二十七八等日大雪彌山

連宵達旦

臣

公同商酌正可乘雪夜嚴寒賊

人無備之時分投進攻卽派鎮臣諸神保率同

都司治正恩守備丘俊蘇榮煥自石板頭渡河
攻撲賊卡又派鎮臣慶溥率同遊擊董寧川守

備阿克東阿周言昇孫應奉及弁兵等於三更

後冒雪前進臣福寧觀成帶領將弁漢土官兵

進至河岸督催策應天甫黎明賊見我兵臨河

欲渡膽敢前來抗拒諸神保派兵在山巔對面

用礮轟擊慶溥暗從左峯灣徑渡鼓勵兵勇搶

佔山頭鎗礮齊發殲賊甚多賊衆驚慌欲逃諸

神保業已乘勢渡河兩路官兵奮勇夾擊殺斃

賊人不計其數並將賊卡內窩棚草房縱火焚

燒臣福寧觀成一面派令將弁占住緊要隘口

一面飭令該鎮等乘勢前進連破數處賊卡奪

占高嶺頭山梁暫行駐扎相機圍逼賊巢查點

官兵鄉勇間有損傷照例咨部卹賞臣成德帶

領協領采勒明阿等由長嶺進攻彭家坳賊卡
該處道路窄狹僅容一人攀援而上賊人望見
我兵進逼蜂擁前來各執器械抵禦我兵施放
連環鎗礮奮勇攻擊賊人不能抵抗棄卡奔逃
鎗斃滾巖者甚多卽將彭家坳山梁占住詎賊
人狡惡異常乘夜前來搶撲臣成德鼓勵弁兵
擊殺多人賊始退遁惟遊擊陳戴德受傷陣亡

臣

文圖已趕回軍營現在會商進取之計查黃

柏山四方臺一帶峯嶺綿延地勢寬廣臣成德

文圖一路官兵現由東面進攻

臣福寧觀成

一路官兵現由西面攻剿其南路通長樂已於

長灘河簸箕埢等處派撥弁兵設卡以防遠逸

至北面獅子巖天池口卽係賊匪原逃之路尤

爲緊要大兵圍攻急迫賊人恐復竄回況首逆

林之華等自知罪惡重大無路求生捨命抵抗
凡有可通巢穴之路盡行挖斷臣等會同悉心

籌度務期掃穴擒渠迅速立功

福寧觀成成德又奏言前奉

諭旨以滋邱賊巢在長陽關口之南成德等現由關
口自北而南進攻山重路險攻剿稍覺費事何不
按照圖內方向繞向東邊沿河而西直逼賊巢等

因仰見

聖明洞照

指示機宜查賊匪林之華等前聚滋邱南面有清江

河一道發於施南府恩施縣之羅施洞歷建始

巴東各境均由深山窮谷曲折而行兩邊道路

忽斷忽連直至滋邱始通舟楫

臣福寧觀成等

自剿洗譚家村後賊人俱在山路最要之天門

坡秀峯橋小峯埢等處抗拒我兵必須層層迎擊始可絕其回竄之路至臣成德扎營關口扼

賊要路緊逼賊巢而賊人亦均於附近之迎龍

山一帶要隘地方佔據相拒不遠亦須迎頭剿捕以便與臣福寧等兩軍會合前次進

呈圖內未經詳晰聲明以致上煩

睿慮不勝惶悚均奏入

上命軍機大臣傳諭福寧觀成惠齡曰此次福寧等乘雪夜賊人無備之時派兵令慶溥諸神保帶領分路進攻趁勢渡河殲賊甚多連破賊卡奪住山梁甚屬可嘉福寧觀成諸神保慶溥俱著賞給大小荷包以示獎勵成德文圖前在滋邱未能先時防範以致賊匪渡河竄逸獲咎甚重是以此次未經加賞伊二人當倍加愧奮實力協剿以期稍贖

前愆現在官兵得勝連奪要隘緊逼賊巢況惠齡
此時亦早到彼正當乘此勝勢鼓勵將士上緊攻
剿先擒林之華覃加耀殲淨餘匪以靖地方其陣
亡之游擊陳戴德若咨部加一等議卹再閱圖內
成德文圖同在賊巢之東駐劄諸神保慶溥同在
賊巢之西駐劄該二處有一人在彼已資堵剿成
德旣在彭家均長嶺扎營賊匪已無處東逸竟當

分出文圖繞由東南之梯兒岩四方臺一帶進攻
賊巢諸神保慶溥二人中亦酌分一人繞由西北
之城子口九洲一帶進攻如此多路進取使賊匪
抵防不暇福寧觀成惠齡再行直趨進剿豈不更
爲得力並著酌量辦理

十六日丁巳宜綿奏言竊臣飭派隨營之肅州鎮

臣索費英阿帶兵一千名先由西鄉縣入川於

初五日進發

臣

於初六日帶兵起程繼進初八

日行抵洋縣所屬之渭門鎮接准秦承恩札稱

安康縣之牛蹄鋪有教匪勾結滋事屯聚於梨

樹埡女媧溝等處並擾及平利縣之鳳山鋪一

帶又有二股來至廟兒溝地方距府城祇十五

六里探聞有數千人勢甚猖獗現在鄉勇不能

得力官兵五百護守府城不能分出剿捕勢甚

危迫又紫陽平利二縣境內賊匪各屯聚數處
日肆焚掠但紫陽平利二縣賊匪滋擾猶均在
接壤太平縣之邊界地方距城尚遠至安康縣
賊匪竟敢逼近郡城不可不速爲剿除查興安
有新舊二城新城創建未久尙爲完固舊城並
無牆垣俯倚漢江以隄岸爲城府縣衙署庫獄
及商賈市廛皆在其內賊匪旣鴟張蟻聚自必

竭力攻撲實有難於堵禦之勢現在柯藩又於
太平縣交界之黃柏棚與賊相持斷不能令其
旋兵救應惟臣本日行程計去興安不過四百
餘里必須馳抵該處將此烏合之衆殲淨再由
興安察看賊匪情形進剿又查興安所屬各縣
多與楚蜀境界毗連誠恐尙有勾通燭惑聞風
起事者臣現已飛咨署西安將軍臣花尙阿派

撥滿兵一千名由南山小路赴興安防禦使興
安以北各該處匪徒知勁旅雲集亦足以消杜
奸萌臣卽日帶領文武員弁兵丁由石泉漢陰
一路迅速行走務期立將賊匪剿滅卽行馳奏
同日秦承恩奏言臣因提臣柯藩馳抵安康太
平交界之黃柏棚地方搜捕川省逃匪臣隨卽
趕赴興安府地方彈壓策應據興安府知府周

世紹拏獲奸細楊方一名假扮良民販賣雞鴨
在花礮舖內探問官局火藥存貯處所甚屬可
疑再三研訊據供實係川省匪徒來陝勾結因
邊卡查拏嚴緊潛伏老林乘夜行走並扮作客
民分赴安康平利紫陽等處布散謠言勾人入
夥境內各邪教心生疑懼頗為搖惑而已經具
結改悔者亦多首鼠兩端自密札文武各官體

察得實隨起隨剿不得遷延現據安康平利紫
陽各處文武員弁稟報督率兵役鄉勇在於鄉

村山僻捕殺之賊自二三十名至一百餘名二

三百名不等惟興安府屬地方遼濶跬步皆山

而郡城爲川楚入陝門戶尤關緊要現在近城

之牛蹄鋪古廟嶺等處亦有匪徒屯集窺伺

臣

督率兵勇士緊搜剿一面札商宜綿將所調赴

川兵丁帶至興安會同柯藩將境內之賊分路
掃除卽由安康紫陽取道至太平會剿

同日明興奏言臣由葉爾羌交印起程於十一

月初七日前抵西安聞四川省達州有教匪滋
事總督宜綿巡撫秦承恩提督柯藩等帶兵前
往興安防守河南地方亦有湖北竄來賊匪現
在大兵攻剿卽日自可蕩平但湖北河南皆與

陝西商南等處通衢接壤該處雖有防守兵丁
祇有臬司姚學瑛一人帶領臣擬卽前往商南
協同剿辦如該處果無應辦事件臣卽馳赴興
安幫同宜綿剿辦賊匪均奏入

上命軍機大臣傳諭宜綿秦承恩英善曰安康賊匪
竟敢逼近興安郡城不可不速爲剿除現在秦承
恩駐劄該處而宜綿由洋縣前往不過四百餘里

計此時早經到彼並經該督飛咨花尙阿派撥滿
兵一千名由南山小路星赴興安使郡城迤北各
該處匪徒聞兵威壯盛不敢復萌奸慝辦理亦好
再柯藩馳往安康太平交界之黃柏棚地方搜捕
川省逃匪自己早抵該處務宜上緊剿辦毋稍延
緩至此等教匪紛紛勾結該處地方均與湖北毗
連看此情形必係湖北賊衆經官兵屢次剿敗無

路逃生潛遣黨與分赴興安達州等處散播謠言
煽惑勾引以爲牽掣官兵苟延殘喘之計但究屬
烏合撲滅尙易俟該處事竣後宜綿等仍當帶兵
星赴達州一帶幫同英善等奮勉剿辦以冀尅期
蕷事本日又據明興奏十七日行抵西安聞達州
賊匪滋擾卽馳赴商南幫同協剿等語明興雖未
經軍旅但湖北四川賊匪剿敗後或有零星竄逸

明興酌帶兵丁於交界處所幫同截拏亦屬有益

十七日戊午永保恒瑞景安慶成舒亮奏言臣等

前將進兵各要路察看停妥一俟大兵齊集卽

行四面攻圍詎自十月十九日始雨雪連綿晝

夜不止直至十一月初三日開霽泥深尺餘道

路滑淳異常健銳火器兩營官兵雖已先到直

隸山東各起弁兵至初四日甫經啞續到齊而

賊匪到處散屯亦因雨雪泥濘未能他竄

臣

等

恐賊情狡猾若俟道路稍乾必致別生變動又

恐官兵圍剿緊急地方遼濶處處可通賊衆勢

必分投四竄

臣

等於初六日卽行進兵先派總

兵楊秀副將馬爲錦帶領弁兵鄉勇於豫省邊

界要隘堵截護軍統領阿爾薩朗總兵富成副

將穆維帶領將備弁兵在通襄陽之西南一帶

堵截又於兩河口劉家集等處撥兵堵禦

臣舒

亮總兵德光德齡觀祥帶領固原山西弁兵繞

赴草店北面兜截進攻副都統訥音營總巴靈

阿帶火器營馬上官兵前往接應

臣恒瑞與總

兵王文雄副將丁有成李紹祖叅將廣福帶領

西安河南山東弁兵自西北一路進剿副都統

碩雲保翼長七十五叅領德通額帶領直隸河

南弁兵並巴圖魯侍衛蒙古人等

臣

永保景安

都統巴克坦布帶領火器營烏鎗步隊自西面

攻擊約定是日黎明齊至賊屯併力圍擊無不

奮勇爭先賊匪遙見官兵四路並進各賊屯齊

聲呐喊公然分股迎拒恃其人衆捨命直撲副

都統碩雲保督領巴圖魯侍衛馬兵先將北面

緊要土岡佔住自上下壓

臣

恒瑞督同總兵王

文雄等督率弁兵施放進步連環向前攻進

臣

永保景安等督率滿漢官兵逼近賊屯隊伍甫

經排立賊衆三股突然撲上我兵一面施放鎗

礮

臣

慶成卽帶領將弁奮力繞截橫衝鎗箭如

雨賊卽敗退北面一路賊匪亦同時撲進總兵

德光等督率迎擊

臣

舒亮等帶領馬兵從旁繞

截賊卽退下復有接應之賊相繼前進自辰至

酉官兵努力圍裹擊殺殲斃不計其數賊匪力
不能支退回賊屯天已昏黑未便深入若遽爾
撤兵恐賊人乘夜逃遁臣等各飭將弁兵丁擇
要防守天寒地濕露處竟夜官兵皆不以爲苦
餘勇可賈初七日黎明臣等仍分路並進賊匪
慄不畏死分投衝突官兵人人切齒臣等尤以
生得劉之協姚之富爲要預飭勇幹將弁帶同

識認逆首之鄉勇設法抄繞擒拏並招撫被脅

良民散其黨與無如賊匪怙惡不悛一面迎拒

官兵一面有向東南奔竄之意

臣等各督催官

兵分力趕撲賊勢稍退

臣恒瑞慶成等卽帶同

巴圖魯侍衛馬上官兵趁勢併力衝壓至戌刻

各路賊匪紛紛大潰

臣

等乘有月色連夜追趕

一面繞路殲殺三十餘里沿途殲斃三四千人

生擒二百餘名尙有乘夜散竄餘匪隨分派鎮
將督率弁兵分路搜捕計三日內攻破大小賊
屯十一處盡皆燒燬查官兵內健銳營前鋒校
伊興阿西安駐防驍騎校德克登額烏魯木齊
筆帖式和津泰江西守備孟景源等被傷陣亡
尙有受傷滿漢兵及陣亡綠營兵弁容俟查明
分別咨部當將活賊逐一審訊據供大小頭目

共有十餘人素聞均稱劉之協爲老師傅日前
起事時並未見有其人今亦不知下落惟姚之
富是大頭人中之一人初六日初次打仗見官
兵勇猛不能抵禦向各頭人商議往黃龍墻一
帶招集從前打散之同教多人前來幫助卽於
是夜同五六頭人各帶自己得用之人陸續前
往不料官兵次日攻破營卡我等被擒各頭人

下落實不能知道等語此係姚之富等見事危急設計逃竄而愚頑賊衆墮其術中代爲抗拒官兵該逆首等轉得逃生實屬狡惡所有擒獲活賊均非從前訊出有名賊犯當卽凌遲梟示臣等現將各要隘分撥弁兵防堵一面差探該逆匪等如竟在黃龍壘近山一帶聚集卽乘此得勝之師趕緊追捕以期尅日殲除

同日景安奏言此次仰蒙

皇上賞發健銳火器二營勁旅並直隸山東山西各

省綠營官兵迅速前來軍營合力進剿一切軍

需最關緊要所用馬匹業經臣預買三千餘匹

除照例支給各營外並於其中挑選膘壯馬匹

分給健銳火器二營以資臨陣抽換之用復將

所調直隸山東等省馬匹隨到隨時接濟抽換

餘馬仍照前奏分撥湖北河南各營補額其帳房鑼鍋等項係楚豫兩省會同趕辦應用至運

送軍裝駝隻驃頭亦經臣各雇備千餘頭足以

敷用前因各營官兵追賊移入湖北境內湖北

運送腳力未及趕備臣卽將豫省所備驃頭駝

隻酌分應用至軍火亦俱寬爲預備總期源源

接濟不致遲悞再承辦軍需大小各員查湖北

雖有候補道府四員隨帶一二投劾之人實不
敷用臣亦經派委豫省丞倅州縣佐雜交與該

道府等帶同隨營一面飛札畢沅速派妥員前
來分值各差以專責成至各營馬匹日需草束

臣已就近飭屬趕買三百萬觔陸續運至交界

處所另撥駝驥交與湖北道府隨時運送各營
應用將來大兵南去離豫較遠若再由豫省購

買草束不特轉運需時且運腳更爲浩費已札商畢沅就近購運以期迅速而節糜費

景安又奏言查豫省南陽汝寧彰德衛輝懷慶

開封許州六府州所屬之鄧州唐縣新野南陽

桐柏淅川內鄉鎮平泌陽裕州葉縣南召舞陽

安陽湯陰淇縣汲縣新鄉獲嘉考城滎澤鄭州

新鄭蘭陽祥符尉氏洧川河內武陟許州長葛

襄城臨潁郾城西平遂平確山信陽等三十八
州縣本年應徵新舊錢糧欽奉

恩旨概行緩至本年秋後徵收茲屆啟徵之期自應
照例催輸第查該州縣或因界連楚省各集義
勇分設卡隘嚴防實屬輸誠出力或係官兵經
由大路以及馳遞軍營文報運送軍火糧餉等
項差使較繁雖均係發給價值飯食並無絲毫

累及閭閻但車馬人夫究由民間雇用無不踴躍

急公奮勉趨事似應推廣

皇仁量爲優卹可否將前項緩徵錢糧再爲展限之

處出自

聖主天恩

同日永保景安又奏言現在隨營各員辦理一切軍需均能不辭勞瘁查有候補知縣陳溢源

禹州州判周書俱屬奮勉出力合無仰懇

聖恩俯加獎勵再府知事借補巡檢張大輅前

臣永

保帶兵來楚隨營辦事自五月至今始終奮勉

可否將張大輅卽以知縣陞用之處出自

皇上天恩均奏入

上命軍機大臣傳諭永保恒瑞景安慶成曰永保等

奏到剿賊情形連日攻破賊屯十一處殲賊甚多

而臣瑞慶成舒亮碩雲保俱得受鎗矛等傷均爲奮勇恒瑞慶成著各賞金盒一個大小荷包舒亮碩雲保著各賞銀絲盒一個大小荷包以示獎勵各兵丁等打仗殺賊拏卡堵禦露處竟夜不辭勞苦可嘉之至俱著加恩賞給一月錢糧其陣亡之健銳營前鋒校伊興阿西安驍騎校德克登額烏魯木齊筆帖式和津泰江西守備孟景源俱著咨

部加一等議卹傷亡滿漢弁兵一併查明咨部從
優卹賞至永保係總統大員前在鍾祥旣未能迅
速剿辦致令賊匪北竄今新兵到齊後又尙未能
擒拏首逆復令南竄何可覬顏邀賞至黃龍墻係
賊匪從前滋擾之處此時諒亦不能復行勾結多
人永保等惟當倍加奮勉設法兜圍速擒首惡庶
可功過相抵若再任賊匪由黃龍墻向南逃竄永

保等更有何顏對朕耶至訊據獲犯供稱劉之協
衆皆稱爲老師傅並未見面不知下落等語此不
可信劉之協係傳教爲首之犯其藏匿踪跡賊匪
豈有不知但姚之富一犯現已詢明在此夥賊內
竄至黃龍墻自無難速行擒獲劉之協前曾在姚
之富家內藏匿拏獲姚之富後向其跟究自可得
其實在踪跡永保等務須乘官兵銳氣上緊圍剿

毋再遲延又據景安奏籌備軍需各事宜諸凡皆妥現在正當追剿賊匪圍拏首逆之時軍需甚關緊要景安籌辦接濟俱能周備亦著賞給金盒一個大小荷包以示嘉獎此時賊匪雖向南奔竄去豫境較遠但恐官兵追擊緊急或有餘匪竄回豫省亦不可不爲防範景安竟不必前赴楚省惟應於豫楚交界處所督率官兵實力防堵勿任餘匪

竄入爲要

上諭內閣曰前因豫省地方間被楚匪滋擾曾經降旨將南陽汝寧彰德衛輝懷慶開封許州所屬之鄧州等三十八州縣應徵新舊錢糧緩至本年秋後徵收以紓民力茲據景安奏鄧州等處士民於防禦要隘雇用夫馬等事俱能踴躍急公輸誠出力著再加恩將鄧州唐縣新野南陽桐柏浙川內

鄉鎮平泌陽裕州葉縣南召舞陽安陽湯陰淇縣
汲縣新鄉獲嘉考城滎澤鄭州新鄭蘭陽祥符尉
氏洧川河內武陟許州長葛襄城臨潁郾城西平
遂平確山信陽等三十八州縣本年應徵新舊錢
糧再行展限緩至來歲麥收後開徵以示體恤

上又諭內閣曰永保等奏候補知縣陳澑源禹州州
判周書隨營辦理軍需俱屬奮勉府知事借補巡

檢張大輅辦事出人陳澑源周書俱著賞戴藍翎
張大輅著以應陞之缺陞用